



# Cook Islands Christian Church

## Newsletter Number 25

(Published 14 May 2009)

### SPECIAL GENERAL ASSEMBLY ISSUE NO.2

This is the 2nd issue produced and devoted to the recently completed 28th General Assembly of the CICC. As such, a lot of the articles concern matters related to the assembly. Ko te rua teia i te nutileta tei tataia e tei akakoroia no te uipaanga maata a te CICC tei oti ua ake nei. E no reira, e maata te au akakitekiteanga i roto i teia nutileta no runga i te uipaanga maata.

### TO ROTO I TEIA NUTILETA:

#### CICC UIPAANGA MAATA 2009

- ★ Akatueraanga e te topirianga
- ★ Akatueraanga i te Are Pure Ziona, Arorangi
- ★ Iriiri kapua i Arorangi e Titikaveka
- ★ Uipaanga maata – Ngatangaiia, Matavera & Avarua
- ★ Tei akaotia i roto i te uipaanga (Resolutions)
- ★ Uriurianga manako ki te au Ekalesia tatakaitai
- ★ Akapapaanga tuatua o te aronga mou taoanga

#### NUTI KEKE

- ★ Opati ou i Takamoa
- ★ Uipaanga na te kumiti akaaere o te PCC
- ★ Te tupuanga o te Evangelia i Ivirua, Mangaia
- ★ Kainga Orometua i Pamati kua oti

Kia vai ua ki roto i te manakonakoanga: Next CICC General Assembly, 23-30 October 2011, Aitutaki. Never too early to start preparing now.



Opati ou o te CICC i Takamoa, akara atu anga ki runga (left) e pera te akaraanga mai ki Raro (right). Ko te au mata teia o te uipaanga maata tei aere atu ki uta i te matakaitiki i te opati i muri ake i te akaotia o te uipaanga maata. Kua tamanakoia e ka oti te opati i te maani i roto ia Tiurai 2009.



# CICC NUTI LETA 25

Akapapaia e Nga Mataio, Tekeretere Maata

## 1. AKATOMO'ANGA

Kia orana e te iti tangata tapu no te Atua. E tau ia tatou kia akameitaki i te mana katoatoa koia tei oronga mai i teia tikaanga manea kia aravei akaou tatou na roto i teia pepa akakitekite numero 25. To tatou tuatua aravei e te akamaroiroi i to tatou oroanga akarongo, no roto mai ia i te kaveinga o teia ra Varaire 15 Me 2009, ko te ra oki teia i tuku ia'i teia nuti leta ki te katoatoa na runga i te imere: Ioane 9.17: *"kua ui akaou maira ratou ki taua tangata matapo ra, Eaa taau tuatua kiaia, koia i akapure i to mata na? Kua karanga atura aia, E peroveta tika'i aia."*

Ko te maataanga o te au mea i roto i teia nutileta, kua akamouia ki runga i te akakoroanga o te Uipaanga Maata tei raveia i te marama i topa, Aperira 19 – 26 ki Rarotonga nei. Te vai ra rai tetai au tuanga e tuku putuputuua iatu na, mei te akapapaanga tuatua o te au metua pakari i roto i te au Ekalesia.

Na kotou e akatotoa atu i teia karere ki to kotou au taeake kia kite katoa ratou i te au mea e tupu nei i roto i te taokotaianga o te kopu tangata CICC. Ko kotou kare i kite ana i te au nutileta i mua atu e kua anoano kotou kia kite, aravei atu i te Orometua o taau Ekalesia me kore akakite mai kiaku; ka rauka oki te reira au nutileta i te tuku iatu na runga i te imere. Noatu e tei muri teia au nutileta, e maata te au mea puapinga i roto – mei te tua tapapa o te au tuatua tei topa ki muri (history) – te ka riro ei pumaanaanga kia tatauia.

## 2. AKATUERAANGA E TE TOPIRIANGA O TE UIPAANGA MAATA



Mei tei akanooia ki roto i te porokaramu, kua akatuera iatu te uipaanga i te Sabati 19 Aperira ki te Ekalesia Nikao. Kua riro te au angaanga o te atarau i raro e na te au mata mei te pa enua tokerau. Kua riro rai te akoanga e te akatueraanga e na te Orometua Ngateitei, Rev. Tangimetua Tangata Tutai, i rave mai. Kia oti te akatueraanga, kua raveia tetai arikirikianga maata i te au mata ki te uipaanga. Manea tika'i te angaanga tei raveia mai e te Ekalesia Nikao. Te maata e te tuketuke o te kai, kua riro ia ei komakomaanga na te tangata ma te tuatua akameitaki i te Atua no te kaka tei kitea ki roto i te au angaanga o te reira ra.

Kare e tuke i te turanga o ta Nikao Sabati no te akakoroanga o te kitea i te Sabati mua, kua pera kiteangaia i te rua o te Sabati. atarau i raro e na te au mata o te tuanga o te akoanga e te na te Puapii Maata o te Pacific Feleterika Nokise.



Ekalesia i rave mai i te rua o te topirianga i te uipaanga. Mei tei katoa te kaka o te Atua i te Kua riro te au angaanga o te pa enua tonga i rave. Ko te topirianga kua orongaia te reira Theological College, Dr.

Ko tetai mea umere, mei te Sabati mua e tae uatu ki te Maanakai, manea ua te reva; kia tae ra ki te atianga e raveia ra te pure topirianga i roto i te Are Pure "Kanaana" o Nikao, kua topa te ua ko tei kore rava i tamanamanata i te au angaanga o te uipaanga maata. Mei roto i te vaa o tetai maataanga o te au mata ki te uipaanga, kare atu e akamaramaanga ke marira e akameitakianga (blessing) teia mei runga mai no tona akakoroanga kua tae ki te openga ma te meitaki, manea e te au.



Mei roto mai i te Are Pure, kua neke atu te au mata ki te kaingakai openga a te Ekalesia Nikao. Mei tei akakiteia na roto i te leta ki nga Ekalesia i Rarotonga nei i te Sabati ra 3

o Me, te oronga akaou atu nei te CICC Executive Council i tona reo akameitaki kia koe e te Ekalesia Nikao no taau tuanga maata i rave i teia uipaanga maata. Kua apai koe i te tuanga maata no te akatueraanga e te topirianga, kua kitea toou maroiroi, te maroiroi ta te Atua i oronga ki roto i toou au mema, e mea tau kia akameitaki tatou i te mana katoatoa. Kua pera katoa te akameitaki tei tau kia oronga akaou iatu kia kotou e nga Ekalesia e 5 i Rarotonga nei, no ta kotou tuanga tatakaiti i rave no te utuutuanga i te tatou au taeake, e pera no te ra i tae atu ei te uipaanga ki roto iakoe. Kia riro te Atua i te akakiki mai i ta kotou au vairanga no te tuatau ki mua.

### 3. AKATUERAANGA I TE ARE PURE ZIONA, ARORANGI



Na roto i tetai akanoonoanga i rotopu i te Ekalesia Arorangi e te kumiti akaaere, kua rauka te akakoroanga o te akatuera akaouanga o te Are Pure "Ziona" o Arorangi kia raveia i te tuatau o te uipaanga. Kua topiri iatu oki a Ziona i te momua o teia mataiti 2009 kia rauka aia i te akamaneaia no te uipaanga maata. I na kua oti te au angaanga i te raveia e kua papa no te tomo akaou.

Kua raveia ireira te tomo akaouanga i te ngutuare i te Monite 20 Aperira. Kua akanooia te porokaramu akamata i te 8.30am e tae uatu ki te 10.00am. Te au tuanga o te porokaramu koia oki; pure akatapuanga, tua tapapa no te angaanga tei rave iatu e pera te au



ngutuare o te Atua i mua atu i teia, tipuanga i te keke no te 160 anga mataiti o Ziona. Kua manea teia tuanga i te raveia anga, e kia oti kua takiaere atu te au mata ki te Calvary Hall no te nenei tutu (group photo) e te kaikai ei akamaara ma te akameitaki i te Atua no teia angaanga maata tei oti e tei riro te uipaanga maata ei kite.

### 4. IRIIRI KAPUA – ARORANGI & TITIKAVEKA CICC

No te mea oki e, e 3 rai ra tei anoanoia e tei akanooia no te uipaanga maata, kua akanoo ireira te kumiti akaaere i te nga ra mua, Monite e te Ruirua, ei nga ra uriurianga manako me kore iriiri kapua, no runga i tetai au tumu manako puapinga kare e taime i te uri i roto i te tuatau o te uipaanga maata.

Kua ariki mai te apii Pacific Theological College (PTC) kia riro e nana e apai i te tuanga o te iriiri kapua. Kua akamata atu ireira te iriiri kapua i te ora 11.00am i te Monite 20 Aperira i muri ake i te akatueraanga o te are pure Ziona o Arorangi. I te tuanga mua, kua akamarama mai te puapii mei te PTC a Dr. Manfred Ernst, i te au tu akateretereanga tukeke i roto i te evangelia e pera to vao. I te rua o te tuanga, kua akatuanga iatu te au mata ki roto i nga pupu e 4 kia uriuri manako ma te pau atu i te nga uianga tei orongaia kia ratou. Kua iki te au pupu i tetai tangata akateretere (chairman) i te uriurianga manako, te au tangata na ratou e oronga akakite i te tuatua ki te katoatoa (presenters), e tetai mapu kua tukuia ki roto i te au pupu ei rekoti ki runga i te computer i te au manako o te pupu. I te tuanga openga kua oki akaou mai te katoatoa ki te ngai okotai no te akakite mai i ta ratou i uri.



*Dr. Manfred Ernst, coordinator of the 2-day workshop – part of the workshop audience – group work.*

I te rua o te ra i Titikaveka, kua na reira katoa te akanoonoanga o te iriiri kapua. Kua akatinamou te apii a te puapii, Dr. Ernst, ki runga i te au tauiaanga e tupu nei ki roto i te tupuanga o te evangelia tapu a te Atua i roto nei i te Pasifika. Kua vavai akaouia te au mata ki roto i nga pupu e 4 kia uriuri oonu atu i te manako

maata o teia ra, ma te pau atu i nga uianga tei tuku iatu kia ratou. Kia oti te reira tuanga, kua oki akaou mai te katoatoa ki te ngai okotai no te akarongo atu anga ki ta te au pupu tatakita i akapapa no te oronga mai.

I tei kitea atu, kua riro teia nga ra ei puapinga e ei mataoraanga no te au mata. Kua rauka tetai atianga meitaki ia ratou kia akarongorongo atu ki te tu o te tupuanga o te evangelia ora o to tatou Atu i roto nei i te Pasifika, e pera ki te au akateretereanga tukeke e aruia nei. Kua riro katoa teia nga ra i te oronga mai i tetai atianga kia akaariari manako te au mata ki roto i to ratou au pupu tatakita, e pera i te tuatau i oki mai ei te katoatoa ki te ngai okotai. Te vai nei te au ripoti a te au pupu tatakita te ka tuku iatu ki te katoatoa a teia nga ra ki mua.

## 5. UIPAANGA MAATA – NGATANGAIIA, MATAVERA & AVARUA CICC

### Ngatangia

Kua akamata atu te uipaanga maata ki Ngatangia i te Ruitoru 22 Aperira. Teia te au ripoti tei tukuia mai, tei uria e tei akaotia:

- Meneti o te Uipaanga Maata 2007 e te turanga o te au mea tei akaotia (update on resolutions)
- President
- General Secretary
- General Treasurer
- Principal, Takamoa Theological College
- Tepuka Committee
- Director of Social Welfare
- Director of Evangelism,
- Director of Youth



Lunch time, assembly at Ngatangia, Wednesday 22 April.

Ko te au ripoti tatakita, kua tuaia te reira ki te au Orometua katoatoa e pera to ratou au mata ki te uipaanga. I roto i te tuanga o te au **Resolutions** o te uipaanga (**Annex I** o teia nutileta), kua akataka mai te reira i te au tamanakoanga a teia au ripoti e ta te uipaanga maata i akaoti no ratou.

Kua akaoti te uipaanga i te ora tei akanooia (6.00pm) na roto i tetai kaikaianga maata tei akateateamamaoia e te Ekalesia Ngatangia, e pera te tamataora tei raveia mai e tana anau mapu.

### Matavera

I te uipaanga i Matavera i te Paraparau 23 Aperira, kua oti atu teia au ripoti i te ora 1.00pm

- Director of Publication
- Rarotonga Konitara Ekalesia
- Mata o te Pa Enu Tokerau
- Mata o te Pa Enu Tonga
- Konitara Ekalesia o Nutireni
- Konitara Ekalesia o Autireria
- Kumiti o te au Orometua
- Kumiti o te 200 mataiti
- Kumiti o te Reo Maori.

No te viviki o te tereanga o te uipaanga, kua orongaia tetai tuatau "long break" no te au mata mei te ora 1.00pm –

4.00pm ei ravenga i te akatano i te ora kia akaoti rai i te ora 6.00pm; ko te ora oki teia tei akateateamamao a Matavera no tana arikirikianga openga, e kare te aronga akateretere i te uipaanga e inangaro kia tai'i te Ekalesia no teia na roto i te akamutu vave anga.



Programme Directors together with 2 Ministers based in NZ, Rev. Tereapi Teaurima (2<sup>nd</sup> from left) and Rev. Tutu Williams (2<sup>nd</sup> from right), during the assembly at Matavera.

Kua akamata akaou atu te uipaanga i te ora 4.00pm ki runga i tetai tumu manako maata o te au uipaanga maata katoatoa, koia te tuanga o te au tamanakoanga, remits. E 15 remits i te katoatoa tei na roto te uipaanga ma te uriuri akaariari manako ki runga. Kua oti atu rai te reira i te ora 6.00pm, e kua akaoti te

uipaanga na roto i tetai kaikaianga maata tei akateateamamaoia e te Ekalesia Matavera, e pera te tamataora tei raveia mai e tana anau mapu.

## Avarua

E 2 tuanga tei raveia i te uipaanga i teke mai ki Avarua i te Varaire 24 Aperira; tuatua (presentation) na nga taokotaianga e 5 e akanoonooanga (partnership) ta ratou ki te CICC, e pera te akaouanga i te taoanga o te CICC Executive Council e te au Programme Directors. Kua raveia teia ma te maru e te meitaki; kua riro te principal o te PTC, Dr. Feleterika Nokise, ei kite e ei mata akara matariki (overseer & monitor) i te raveiaanga te ikianga taoanga. E 4 rai ikianga tei raveia no te mea ko te toenga o te au taoanga kare e ikianga (unopposed positions).



Mahara Rahui (left), Kura Strickland

I mua ake i te akaotianga o te uipaanga i Avarua, kua raveia tetai orongaanga akairo (certificates) no nga metua tei roa te tuatau i te tavinianga no te uipaanga maata. Ko te metua mua, ko Papa Mahara Rahui, mata no te Ekalesia Otara, e tuanga maata katoa tana ki roto i te akanoonooanga i te Tia a te CICC i te au mataiti katoatoa. Kua akangaroi atu aia mei runga i te taoanga tana i apai mai ana no tetai tuatau roa, koia te Mata no te Ekalesia Otara. Ko te rua o te metua tane, ko Papa Kura Strickland. Kua mata maina aia i te au Ekalesia i vao ake i te Kuki Airani e 12 mataiti. Kua maaniia tetai certificate no teia nga metua tane tei tainaia e te Orometua Ngateitei e te Tekeretere Maata, e kua oronga iatu kia raua ma te au tuatua akamaroiro no te tuatau ki mua. Kua oronga katoaia tetai tuatau no raua kia komakoma mai ki te uipaanga. Meitaki e teia nga metua maroiro no ta korua tuanga i apai mai na roto i te au mataiti i topa. Kia riro ta korua au angaanga ei akaraanga na te uki o teia tuatau e to apopo. Na te Atua e tauturu mai no te tuatau ki mua.

Kia topiri te uipaanga i te 1.30pm kua tere atu te maataanga o te au mata ki uta i te opati ou o te CICC e maaniia maira. Kua oti oki i te akanoo e ka apai te kamuta maata, John Short, i te au taeake na roto i te ngutuare ma te akamaramarama mai i te turanga e te tereanga o te au angaanga tei oti e te toenga o te angaanga e vai ra.

Kua oki mai te au mata ki tai nei ia Sinai i te ora tei akanooia e te Ekalesia Avarua (2.00pm) no te kaikaianga maata tana i akanoo, e kua riro tana mapu i te tamataora mai i te au taeake ma te au tuaine. Ko te akaotianga ireira teia i te uipaanga maata 2009.



Director of Publication, Tekura Potoru i te tua kauri, e te Tekeretere o te Avarua CICC, Makirere Poila, ko tei rongonui tona ingoa i roto i te uipaanga maata e, ko "Tei mua rai tatou." E nga mapu maroiro teia i roto i te Ekalesia Avarua.



Te umere nei te Orometua David Teaurere eaha la te Orometua Charlie Okotai i peia'i?



Kaikai time Avarua style i muri ake i te topirianga o te uipaanga maata, Varaire 24 Aperira.

## 6. TEI AKAOTIIA I ROTO I TE UIPAANGA (RESOLUTIONS)

Tei roto i te **Annex I** i muri i teia nutileta, te akapapaanga o tei akaotiia i roto i te uipaanga (**Resolutions**). Teia i raro nei te au tuanga mamaata i roto:

- Turanga o te au tamanakoanga a te au ripoti tatakaitai (individual report recommendations)
- Te au tamanakoanga tei tukuia mai i mua ake i te uipaanga maata (remits)
- Te turanga o te ikianga/akaouanga taoanga (renewal of office bearers)

E mea puapinga rava kia (a) kite te au mema o te au Ekalesia tatakaitai i tei akaotiia i roto i te uipaanga, and (b) kia aru te katoatoa i te au tukuanga tika a te uipaanga, noatu e kare tetai pae e maru i tetai au tukuanga tika. Kare e ravenga, ko ta tatou akatereanga oki teia e aru ana, koia te tika a te maataanga (majority decision).

## 7. URIURIANGA MANAKO NA TE KUMITI AKAAERE KI TETAU AU EKALLESIA

Kia oti te akakoroanga o te uipaanga maata, kua rave iatu te au uriurianga manako i rotopu i te kumiti akaaere e tetai pae o te au Ekalesia. E akatereanga teia tei akamataia i te uipaanga maata 2007 e kua kitea tona puapinga maata. To teia mataiti, kua rave iatu i te Varaire 24 Aperira (3.00pm – 6.00pm), Maanakai 25 (1.00pm – 6.00pm) e te Monite 27 (8.30am – 6.00pm)

Teia i raro nei te akakoroanga o teia au uriurianga manako:

- E atiangā no te au Ekalesia kia aravei i te kumiti akaaere ma te akakite mai i to ratou au ngai tai'i kia akaraia penei ka rauka te tauturu; kare oki e taime kia raveia teia i roto i te uipaanga maata
- Kua inangaro te kumiti kia kite atu i to ratou au turanga, no te au tuatua tei rongo iatu i mua na

Teia i raro nei te au Ekalesia e te au taeake tei aravei mai i te kumiti akaaere:

- ✓ TOWNSVILLE (*Rev. Uru Tairea, Rev. Teiho Maireriki, Rangī John*)
- ✓ PALMERSTON NORTH (*Rev. Kamire Meti, Teina Makuare*)
- ✓ ROTORUA (*Rev. Teao Teao*)
- ✓ LOGAN (*Rev. Tokoa Arokapiti, Kupa Roumanu*)
- ✓ MIRAMAR (*Rev. Teaumetua Pouao, Mii Williams*)
- ✓ OTARA CENTRAL (*Rev. Rohi Tinirau, Baniani Eiao*)
- ✓ MANUREWA SOUTH MALL (*Rev. Junior Pepe & wife, apology from delegate*)
- ✓ BALACLAVA (*Rev. Rakoroa Taia, Matetoru Tautu*)
- ✓ NEW ZEALAND & AUSTRALIA COUNCILS (*Members of the NZ & Aust Councils*)
- ✓ HAMPTON PARK (*Rev. Tuakeu Daniel, Teariki Tearetoa*)
- ✓ MANUREWA (*Rev. Ta Tangiiti, Steven Tere Nganu*)
- ✓ INVERCARGILL (*Takai Rahiti*)
- ✓ OTARA (*Rev. Temere Poaru, Mahara Rahui*)
- ✓ PACIFIC THEOLOGICAL COLLEGE (*Dr. Feleterika Nokise*)
- ✓ CAMPBELLTOWN (*Rev. Iana Aitau – delegate has returned to Australia*)
- ✓ MANGERE (*Rev. Tatahirangi Williams, Taa Karena*)
- ✓ PCANZ (*Rev. William Cuthers & wife*)
- ✓ REV. VERO AKAMA
- ✓ DULWICH HILL (*Rev. Fakeau, Makitua Boaza*)
- ✓ NOBLE PARK (*Rima Meti, Tamaroa Joseph*)
- ✓ HASTINGS (*Rev. Abela Williams, Arthur Heather*)
- ✓ CHRISTCHURCH (*Rev. James Marsters, Matamaru Tongia*)
- ✓ EAST TAMAKI (*Rev. Joel Taime, Tetini Vaeteru*)
- ✓ PUKAPUKA (*Rev. Maitua Atirai, Levi Walevaloa*)
- ✓ EKKA (*Rev. Ngatupuna Nioputa, Huda Robati*)
- ✓ BRISBANE (*Rev. Joe Atirai, Toka Tarahu*)
- ✓ HAMILTON (*Rev. Maara Tairea, Matamaru Tatira*)
- ✓ HUTT VALLEY (*Rev. Tutavake Tereni, Tereapii Tutaka*)
- ✓ MOTUTAPU (*Rev. Tutu Williams, Tau Williams*)
- ✓ ETARETIA POROTETANI MAOHI, TAHITI (*Pastor Mitema Tapati, Marama Mahaa*)
- ✓ AUCKLAND CITY (*Rev. Nio Mare, Natearoa Vaipata*)



Ko te Diakono Hurikapu Meremere te tangata pate oe i Nikao i te ra o te akatueranga.



The A-team from Cairns, Australia.

I te tuatau uriurianga manako, kua rauka tetai au pae tai'i i te akatanotano iatu. Kareka tetai pae, kua akaokiia rai ki te au Ekalesia tatakaitai, pera to ratou au Konitara Ekalesia, na ratou e akatikatika atu i te au mea e maru ei te katoatoa. I roto i te uipaanga mua a te kumiti akaaere tei rave iatu i te Paraparau 7 Me, kua na roto aia i te meneti o te au uipaanga tatakaitai i runga nei, ma te akara atu i tetai au akanoonoonga kia rauka tetai au tamanakoanga kia akatupuia, mei te moni a te au Ekalesia ki te pute maata, iriiri kapua ma te atoro atu i te au Ekalesia, e te vai atura. E tuanga teia ka oki mai na te kumiti akaaere e rave no te au Ekalesia tei atoro mai iaia.

Ko te au Ekalesia kare i aravei ana i te kumiti, te meitaki ua ra ratou kare e au manamanata maata. Kare katoa oki te kumiti i kite atu i tetai tumuanga kia aravei aia i te reira au Ekalesia. Ko tetai pae oki i teia au Ekalesia, kua aravei ana te kumiti i te tuatau o te uipaanga maata 2007.

## 8. OPATI OU I TAKAMOA

Te tere maru ua nei te angaanga i runga i te opati ou o te CICC i Takamoa. Kua kite te au mata tei tae mai ki te uipaanga maata i te turanga o te angaanga e raveia nei i te irinakianga e kua mataora e kua pumaana ratou i tei kite mataia e ratou. Kia tau ki ta te kamuta maata i akamarama mai, te akara atu nei te katoatoa ki nga marama e 2 e tu mai nei no te akatuera atu anga i te ngutuare. Kare e ra (date) i akatinamouia ake, ka tae atu rai te tuatua ki te katoatoa na runga i te imere i te atianga e papu mai ei teia.



*Takamoa Mission House 1897*



*Mission House 2008*



*Mission House being renovated as the new CICC head office admin*

## 9. UIPAANGA NA TE KUMITI AKAERE O TE PACIFIC CONFERENCE OF CHURCHES

I te epetoma 30 Mati – 3 Aperira i topa kua rave iatu te rua o te uipaanga a teia kumiti ki te apii Pacific Theological College (PTC) i Suva, Fiji, e kua tae au (Tekeretere Maata) no te CICC, e pera a Bishop Steward O'connell no te akonoanga Katorika o te Kuki Airani nei. Koia oki tetai mata o te akonoanga Katorika i te pa moana Pacific nei i runga i te kumiti akaere. Teia te au tumu manako tei uriuri iatu: au ripoti – Moderator, General Secretary, Programme Officers, finance, building project, WCC, PTC, e te SPATS.

E au tumu manako mamaata teia i runga nei tei angaanga atu te kumiti ki runga tei irinakiia e ka riro i te tauturu i te teretere maru anga o te Evangelia ora a to tatou Atu i roto nei i te Pasifika. E uipa ana teia kumiti okotai taime i te mataiti.

Kua riro te maataanga o te akapouanga no teia uipaanga (airfare, accommodation) e na te PCC i tutaki. Na te pute maata te au akapouanga rikiriki, mei te transit costs. Kua noo te au mata o te kumiti ki roto i te aua apii PTC e kua raveia te uipaanga ki roto i te conference room o te Rev. Jovili Meo Conference Centre. Meitaki te au akanoonoanga katoatoa ta te PCC i akono mai no te au mata, pera te tuanga o te ngai nooanga e te katikati, kare takiri e akaapaanga e tau kia akakiteia. Kua tata e kua tuku iatu tetai ripoti no runga i teia uipaanga ki te kumiti akaere.



*I roto i teia tutu, kua kapiti ua te au mata o te PCC Executive Committee e pera te aronga angaanga o te PCC Office i Suva, Fiji.*

## 10. KAINGA OROMETUA I PAMATI KUA OTI

### Raveanga o te angaanga

I te Varaire ra 8 no Tianuare i teia mataiti 2009 kua rave iatu te pure akatapuanga i te enua tei orongaia mai e te kopu tangata o Matavia ei paepae no te akonoanga Keresetiano o te Kuki Airani (CICC). Kua akamata te angaanga ki runga i te enua no te tamaanga i te tita i te Monite ra 12 no Tianuare. E rua ra katoa mei te popongi e tae atu ki te aiai i te raveanga i te tamaanga. Kua piri mai te enua katoatoa i te raveanga i teia.

I te Ruitoru ra 14 no Tianuare kua rave atu te Ekalesia i tetai pureanga no te tukuanga i te tango o te kainga Orometua. Kua mataora teia angaanga i te raveangaia no te mea vaiata rai e ko te enua katoatoa tei tuku atu i te au toka ki roto i te tango o teia ngutuare. Kua akamata atu ireira te angaanga o teia ngutuare i te Paraparau ra 15 no Tianuare. Ko te mea pumaana kua oronga mai te katoatoa i to ratou rima i te raveanga i teia angaanga. Takake atu mei te reira kua riro tetai au ngutuare i te oronga mai i tetai au rakau e tetai au apinga tei anoanoia no te akaoti i te ngutuare. Ko te tumu kare te maataanga o te apinga i riro maina ki runga i te pai. Noatu ra te reira au tai'i kua oti teia ngutuare ma te meitaki. Kia akameitakiia te Atua no te vaerua taokotai o te iti tangata tei kitea mei te ra mua e tae uatu ki te ra openga.

### Akameitakianga

Te mataora nei au i te oronga atu i te reo aroa e te akameitakianga a te Ekalesia no te au Ekalesia i Nu Tireni e Autireria e pera to te Kuki Airani nei no te tauturu maata ta kotou i oronga mai i tupu ei teia manakonakoanga no te Ekalesia. Ki te au tangata takitai tei kore i taikuia to kotou ingoa, kia akameitakiia te Atua no ta kotou tauturu. Ki te pupu ura o te Nukuroa Enuua meitaki ranuinui no ta kotou tauturu i te akatupuanga i teia tere kimi moni o te Ekalesia. Aroa takake ki te Kumiti Rotopu mei te Tekeretere Maata no te tauturu i te akakitekiteanga i te au tuatua no teia tere ki te au Ekalesia i Nu Tireni, Autireria e pera to te Kuki Airani nei na roto i ta tatou nutileta. Ko te Atua te aroa no kotou katoatoa.

### Te tuatau no te akarangianga i te ngutuare

Tena e te au Ekalesia te patianganga tei oronga iatu ki te au mata e te au Orometua i te tuatau o te uipaanga maata i oti uake nei. Kare e tuatau i akanooia no te takakore o te tuatau o te teretereanga o te pai. Teia te manako ta te Ekalesia i akanoo, te pai mua te ka tere atu ki Pamati i roto i te marama Tiunu me kore Tiurai i teia mataiti 2009, ko te tuatau rai te reira e akarangi'ai e teia ngutuare. Te rua, ka ariki te Ekalesia i tetai uatu tangata tei anoano i te aere mai no teia akakoroanga takake mei ta te au Ekalesia. Teia ireira te



*New 2-bedroom CICC Mission House, Palmerston Island*

*(Tataia e Rev. Tereapii Matakere, CICC, Palmerston Island)*

patianganga akaaka, me kua anoano koe kia tae no teia akakoroanga, me ka tika ringi mai iaku te Orometua Tereapii Matakere i runga i teia numero (mobile: 76274 ) ei ravenga kia rauka tetai akapapuanga ki te ona pai Taio Shipping. Irinaki au e me viviki mai kotou i te akapapu i to kotou ingoa, ka ngoie i te ona pai i te akatano i te teretereanga o te pai. Ei taopenga i teia au manako akakitekite, te oronga akaou atu nei au i te reo akameitaki o te Ekalesia Pamati e te iti tangata katoatoa ia kotou katoatoa tei tauturu mai i teia akakoroanga meitaki e te puapinga kua tae ki te openga ma te maru o te ngakau. Teia to ratou reo tuoro no kotou katoatoa, "welcome to Palmerston island."

## 11. AKAPAPAANGA TUATUA

I roto i teia nutileta ka tatau tatou i te akapapaanga tuatua o Papa Koroarua William Cummings o te Ekalesia Porirua CICC, NZ (**Annex III**). Ko te 19 teia o te nutileta e, e akapapaanga tuatua tetai tei tukuia ki roto. Me kare koe i kite ana i te au akapapaanga tuatua tei topa ki mua, akakite mai kia imere iatu tetai naau. Te tuera nei rai te ngutupa no tetai uatu tei anoano i te taangaanga i teia nutileta no teia akakoroanga manea. Tuku tika mai i te tuatua kiaku e tetai tutu.

## 12. POPANI

Tena ireira e te au taeake ma te au tuaine te au mea tei anoano ta kotou kumiti akaaere kia oronga akakite atu ei kiteanga na kotou i te au mea tei tupu, e tupu nei, e te paraniia nei no teia au tuatau ki mua i roto i ta tatou nei akonoanga CICC. Irinaki matou i runga i te kumiti akaaere e ka riro teia au akakitekiteanga ei pumaana ki roto i to kotou au ngakau tatakitai. Me e au manako to kotou no te akameitaki atu i te turanga o teia nutileta a teia au tuatau ki mua, ka rekareka au kia tuku tika mai kotou i te reira kiaku.



Ei topiri i teia nutileta, tena mai te manako maata (theme) o te uipaanga maata 2009 no te taima openga ka tatara'i tatou i te tapeka ma te tuku atu ei iaia kia aere ki tona aerenga mou: "Atoa atu anga ia ratou i vao ake i to te Atua koro – reaching out to those outside of God's fold"

Ei konei tatou i te tuatua akakiteanga i tona aroa opekore uatu rai kia tatou te tangata ara nei, Amene.

+++++

**TE AU APINGA E OKOIA NEI I TAKAMOA**

**CURRENTLY AVAILABLE AT TAKAMOA**

Cook Is Maori Bible - hard cover	\$20.00
Cook Is Maori Bible - soft cover	\$45.00
Hymn Book - soft cover	\$15.00
Prayer Book	\$12.00
Sermon Book	\$15.00
Certificates – all types	\$ 2.00
Karere 2008	\$ 5.00
Readings Card 2008	\$ 2.00
Registration Book	
• Ekalesia	\$45.00
• Burial	\$45.00
• Baptism	\$45.00
DVD Gospel Day Celebrations 2007	
• Set of three	\$50.00
• For one	\$20.00
CD	
• Sunday School hymns	\$10.00
• Traditional church songs	\$20.00
CICC Constitution	
• Maori version	\$10.00
• English version	\$10.00

Send orders to:

*Tekura Potoru  
Director of Publications  
CICC Takamoa  
P.O. Box 93, Rarotonga, Cook Islands  
Phone/fax/email as per page 1 of this newsletter.*



E tuatau to te uipaanga, e tuatau to te kaikai, e tuatau to te tamataora.

# ANNEX I

## RESOLUTIONS AKAOTIANGA I TE AU TUMU MANAKO TEI URIURIIA

### RUITORU 22

1. Kua arikiia te turanga (update) o te Resolutions o te uipaanga maata 2007 e te au akamaramaanga tei oronga iatu e te kumiti akaaere.
2. Kua arikiia te ripoti a te **Orometua Ngateitei** e te au tamanakoanga i raro nei:
  - (a) Kia tukatau meitaki tatou i to tatou akarongo, ei reira e rauka'i ia tatou i te akakite i to tatou akarongo, kia ratou tei kimi e tei iki i rotopu i te au manako tukeke tei akavare i to tatou ngakau. Koia oki, kia kite tatou i te akamarama i to tatou akarongo, e kia akaari i te reira na roto i te au mataara te ka amiri i te au uanga ta te tangata e uiui nei no runga i te aiteanga o teia oraanga.
  - (b) Kia ara tatou ki te au anoano o to tatou au tangata tupu, kia ratou tika'i tei akangaropoinaia i roto i teia ao tei riro te au mea kopapa i te apai ke i to ratou ngakau mei te Atua. Kia tu kapipiti tatou tei oparaia ki vao.

Kua akakeuia e kua arikiia e kia turu te uipaanga maata i te paruruanga a to tatou iti tangata i Aitutaki no te patoianga o te rereanga pairere ki Aitutaki i te Sabati, mari ua te au rereanga rapurapu (mercy flights). Kua ariki katoa te uipaanga e kia tauturu iatu te au akapouanga (cost) o te akavaanga o te taeake Orometua (Charlie Okotai) tei o atu ki roto i teia manamanata, me anoanoia tetai tauturu.

Kua uriuria te akanoonoanga o te kaianga oroa, ma te manako e kia akatanotanoia, auraka kia putuputu te tauiana. Na te au Ekalesia teia e akarakara ma te akatanotano atu.

3. Kua arikiia te ripoti a te **Tekeretere Maata** e te au tamanakoanga i raro nei:
  - (a) Kia akamaroiroia te au Ekalesia kare a ratou imere, kia tamou i tetai na ratou.
  - (b) Kia viviki te akakite mai ki Takamoa, me tieni te au ngai nooanga (contact addresses, phone, fax, email) o te au Orometua, Tekeretere e te Mou Moni o te Ekalesia.
  - (c) Kia taangaanga te au Ekalesia i te nutileta ei ravenga kia kitea pu ua ia te au mea e tupu ra i te au ngai.
  - (d) Kia taangaanga te au Ekalesia i te CICC Terms of Rerefence ei tauturu i te au tuanga angaanga i roto i te Ekalesia.
  - (e) To tatou to te CICC pirianga (partnership) ki tetai au akonoanga kare e kitea pu ia ana te puapinga, kia akara akaouia (review). Me kare rai e puapinga e rauka mai, e mea tau kia takore iatu, e kia akatupuia te pirianga ki tetai au akonoanga e, e puapinga tetai ka rauka mai.
  - (f) Kia tata te au Ekalesia tatakitai i tetai tua tapapa no runga i to ratou tupuanga, ei akaraanga na te uki o teia tuata e pera to apopo.

Kua uriuria te tamanakoanga numero (e), koia te turanga pirianga o tatou CICC ki nga akonoanga e rua (PCANZ & CUNZ). Kua ariki te uipaanga e kia vaooia teia tumu manako na te kumiti akaaere e uri akaou ki teia nga akonoanga.

4. Kua arikiia te ripoti a te **Mou Moni Maata** e te au tamanakoanga i raro nei:
  - (a) Kia receipt ia te au moni katoatoa e orongaia maina ki te Ekalesia, e kia akairoia te au akakoroanga no te moni.
  - (b) Kia tutaki me kare kia oronga vave ia te au moni no te akakoroanga i akatakaia te oronga anga mai o te reira moni ma te rekoti katoa (cheque payments) me kare (cash payments) kia rekotiia ma te akapapaia ki roto i te au ripotianga moni epetoma, toru marama e te ripoti mataiti.

- (c) Kia iki te Ekalesia i tetai Otita (Auditor) no ta ratou ripoti moni mataiti kia matutu te turanga o te au ripoti.
- (d) Ripoti moni mataiti. E mea meitaki kia tata te au Ekalesia i tetai ripoti moni mataiti na ratou, e kitea'i te turanga meitaki e te apikepika o te Ekalesia i te turanga o te moni.

Ko tetai au manako e tetai au patianganga a te au Ekalesia no runga i te turanga o ta ratou akapapaanga moni, ka vaoia teia ki te kumiti o te moni kia akarakara oonu atu ki roto, ma te tuku mai i te tamanakoanga ki te kumiti akaaere.

5. Kua ariiia te ripoti a te **Puapii Maata** e te au tamanakoanga i raro nei:

- (a) Kia tereni'ia mai ratou i roto i te Ekalesia i te au akonoanga o te kauraro e te akakoromaki marie;
- (b) Kia aru te au apiianganga i te ture akateretere o Takamoa.
- (c) Kia oronga te Ekalesia i tetai taoanga angaanga na tana apiianganga, mei te Diakono, Puapii Tapati, Arataki no te Mapu e te vai atura.
- (d) I te mea e, mei vao mai i te Kuki Airani te maataanga o te au Apiianganga e tomo mai nei i Takamoa, te anoanoia nei kotou kia tomo atu ki roto i tetai au apiianganga i tena tua, mei te apii o te Reo Papaa, Computer, e tetai au apii te ka riro i te tauturu iakoe apiianganga me tomo mai koe ki Takamoa nei.
- (e) Kia raveia te akarangianganga (graduation) o te au apiianganga i Takamoa nei i teia ra, i roto ia Noema 2009, me kua tau meitaki ratou kia akarangiaa (*if they have fulfilled the requirements academically and is satisfactory to the Principal and the Executive Committee*).

Tetai au manako tei ariki katoaia:

- Te apiianganga Teoho Nikoia kia oki mai ki Takamoa kia akaoti i tana apii.
- Te akapouanga (costs) no Jimmy Metuakore tei takake atu, na te kumiti akaaere e akara atu me kua inangaroia tetai tauturu.
- Te graduation o te au apiianganga i Takamoa i te opeanga o teia mataiti, kua ariiia e kia akaokiia mai na te kumiti akaaere e akara ma te akaoti atu.

6. Kua ariiia te ripoti akamarama a te **Kumiti o Tepuka** no runga i te au angaanga tei rave iatu ki runga i te enua. Kua ariki katoa te uipaanga e, e mea puapinga kia rave iatu te au angaanga e toe nei tei akataka mai te ripoti e ko teia i raro nei:

- (a) Arumaki kia oti te au riiti i akatikaia inara kare i oti ake i te akamanaia no te taroaroa i te survey e pera katoa tetai atu au tumu ke.
- (b) Arumaki i te Kavamani kia akameitaki i te au mataara e ma te tuku i te vai e te cable no te power e te telephone ki runga i te enua kia taeia e te aronga i riiti i teia au enua. E tauturu teia i to tatou iti tangata tei riiti mai i teia au tuanga enua. Na te kavamani ra teia tuanga.
- (c) Akaoti te uriruianga manako ki te Kavamani no te moni tutaki (compensation) o te enua i raveia no te Pae Apii (Education) e te ngai tarekareka (National Indoor Stadium).
- (d) Arumaki mai i te aronga tei akaruke i to ratou tuanga enua e te ngutuare kia riiti ia atu teia au tuanga ki te au tangata e tiaki ua nei i tetai enua no ratou.
- (e) Arumaki i te tangata kia akaouia ta ratou rent ki te rent o teia tuatau, koia oki \$300 i te mataiti e mei tei tataia i roto i ta ratou koreromotu riiti iti.
- (f) Apai i te administration me kore te akaaere anga i te enua Te Puka ki ko i te Opati Maata o te CICC i Takamoa mei ko mai i te opati o Browne & Harvey Roia; ka riro ireira e na te opati i Takamoa e akaaere i te au koianga moni riiti ma te akapapu e kia aru te au tangata katoatoa i te au ture o ta ratou riiti.

7. Kua ariiia te ripoti a te **Director of Social Welfare** e te au tamanakoanga i raro nei:

- (a) Te akapouanga moni no te porokaramu angaanga no te tuanga o te social welfare no teia 2 mataiti ki mua, 2009 – 2011 mei teia i raro nei:

CICC radio ministry	2,500/mataiti
Petrol allowance	800
Stationery (ink/paper)	500
Awareness raising forums	<u>3,000</u>
	<b>\$6,800</b>

- (b) Kia tauturu teia uipaanga i te au tamariki e te au mapu e o nei ki roto i te au manamanata.

- (c) Kia akaraia te manako no tetai *welfare cupboard* (no tetai au kai mama ua i te oko) no te au tamariki/mapu i roto i te au turanga oraanga manamanata.
8. Kua ariiia te ripoti a te **Director of Evangelism** e te au tamanakoanga i raro nei:
- (a) Kia apiiia te tuatua o te oki rua mai anga o te Mesia e tetai au tuanga akamaroiroi.  
 (b) Kia akamaroiroi tatou katoatoa i roto i te au pure tapupu (prayer meeting) i roto i te au Ekalesia tei ariiia e te uipaanga maata 2007.  
 (c) Ka tere atu te tuanga o te Tutu Evangelia ki roto i te au tuanga kare i atoro iatu ake, a teia nga mataiti e rua e tu mai nei.
9. No runga i te au tamanakoanga a te **Director of Youth** i raro nei:
- (a) Opati o te Mapu i Takamoa – tetai mapu i te angaanga ki roto i te opati e kia tutakiia (paid youth officer)  
 (b) Tipatimani o te Mapu – kia akameitakiia e kia akamatutua  
 (c) Kia vai rai te au porokaramu atoro i te au putuputuanga mapu i te pa enua i tai e pera to Aotearoa e Autireria.  
 (d) Moni akapouanga (budget) a te tuanga o te mapu kia apainia mai ki runga i tetai turanga meitaki e te matutu no te utuutuanga i te au porokaramu a te mapu.  
 (e) Kia raveia rai te National Youth Convention a te Mapu.

Kua ariki te uipaanga e kia akaokiia teia au tamanakoanga i runga nei (a – d) ki roto i te kumiti o te moni. No te tamanakoanga (e), ka akaokiia teia ki roto i te Konitara Ekalesia Rarotonga.

### **PARAPARAU 23**

10. Kua ariiia te ripoti a te **Director of Publication**. Kare a teia ripoti au tamanakoanga. Inara kua ariki te uipaanga e kia akaokiia mai te au tai'anga o teia tuanga ki te kumiti akaaere e pera te Department of Publication kia kimikimi iatu te au ravenga no te akatikatika atu i te au tai'i.
11. Kua oronga atu te uipaanga i tana akameitakianga e te akamaroiroi no te au manakonakoanga o te **Vainetini** no te tuatau ki mua (kare a ratou tamanakoanga kia ariki te uipaanga). Kua ariiia te ripoti a te vainetini, e pera tana patiangia kia turu iatu ta ratou uipaanga maata a teia mataiti ki mua 2010 ki Rarotonga nei.
12. Kua ariiia te ripoti a te **Rarotonga Konitara Ekalesia** e tana au tamanakoanga tei akao iatu ki roto i te au remits ki teia uipaanga. Kua ariki katoaia e ko te tuanga 4.5 i roto i te ripoti tei taiku i tetai au tamanakoanga, kia vaooia mai na te kumiti akaaere e akarakara atu.
13. Kua ariiia te ripoti a te **Kumiti Orometua** e tana au akamaramaramaanga no runga i te au tuanga tana i rave atu.
14. Kua ariiia te ripoti a te **Pa Enua Tokerau** e tana au tamanakoanga mei teia i raro nei:
- (a) Kia atoroia atu te au Ekalesia i vao ake ia Rarotonga nei e rua ake taime i roto i te 4 mataiti. Auraka e tiaki kia rokoa te reira Ekalesia e te manamanata ka atoro atu ei. E tuatau ke rai te reira.  
 (b) Ko te Orometua Ngateitei kia atoro atu i te au Ekalesia katoatoa i roto i te 4 mataiti.  
 (c) Ki te au Orometua, kia akamaroiroi i te Tekeretere e te Mou Moni, kia tuku mai i tetai akapapaanga no te tupuanga o te Ekalesia e te akapapaanga moni ki Takamoa i roto i te marama ia Mati.  
 (d) Ko te au vaine a te Orometua auraka e akaruke matiroeroe ua i te Papa Orometua no tetai tuatau roa. E tuanga rai taau i roto i te akatereanga a te Ekalesia.  
 (e) Auraka te au vaine a te au Orometua e rave i teia au angaanga mei te pere Housie e tetai au ravenga kimi moni te ka riro i te aati i te au akatereanga a te Evangelia.
15. Kua ariiia te ripoti a te **Pa Enua Tonga** e te au tamanakoanga i raro nei:
- (a) Apii i te tuatua tika: Kia akamaroiroiia te apii buka tapu ki roto i te au ngutuare.  
 (b) Tutu Evagelia: Kia akamaataia te au tere tutu Evangelia no te tauturu i te tuanga tonga.  
 (c) Atoro ngutuare: Kia akamaroiroiia te atoro ngutuare (mercy & hospitality service) me kore ra tutu Evangelia

(d) Rereanga pairere Sabati: Kia turu te uipaanga maata i te patoi auraka te pairere kia rere ki Araura enua no te akakoroanga kimi puapinga i te ra Sabati, mari ua no te au akakoroanga emergency.

16. Kua ariiia te ripoti a te **Konitara Ekalesia o Nuti Reni** tei akamaramaia mai e te Tekeretere o te Konitara, Rev. Joel Taime, e te au tamanakoanga a te konitara i raro nei:

- (a) Kia akatinamou te Uipaanga Maata i te au tukuanga tika/resolutions no te retitaanga i te au Ekalesia i Nutireni mei tei akatakaia i roto i teia ripoti.
- (b) Kia akamaroiroia te turanga o te au Ekalesia Tupu Ou i New Zealand ko tei roa te tuatau e kare rai e akairo e kite iatu nei e te tupu ra.
- (c) Kia akaokiiia te akatupuanga Ekalesia ki roto i te au Konitara Ekalesia.
- (d) Te au Ekalesia kare i roto i tetai o te au Konitara Ekalesia CICC o Nutireni, kia akara akaouia to ratou turanga e te turanga o to ratou au Orometua.
- (e) Kia na roto te tuatua o tetai uatu apianga Orometua ki Takamoa i te Konitara Ekalesia o te reira tuanga.
- (f) Mei tei taikuia i roto i te tuanga 6(c) o teia ripoti, kia akaraia mai te manako e, auraka te tuanga budget a te au Ekalesia o Nutireni no te mataiti 2009-2011 kia akakakeia.
- (g) Kia ariki te au tere Ekalesia kimi moni ki Nutireni i te au takainga tei akanooia i roto i te tuanga 6(d) o teia ripoti.

No runga i te Ekalesia tupu ou koia a Manurewa South Mall, ka tuku mai te CICC NZ Council i tetai tuatua akapapuanga e kua papa teia Ekalesia kia riro mai ei mema tinamou i raro ake i te CICC, ireira aia e akatainua'i.

17. Kua ariiia te ripoti a te **Konitara Ekalesia o Autireria** e tana nga patiangia i raro nei:

- (a) Uipaanga Maata o te mataiti 2013 kia raveia ki Melbourne, Australia.
- (b) Tetai Orometua no teia Ekalesia ou tei akatupuia ki Melbourne, koia te Ekalesia Noble Park.

Kua ariki katoaia te akakiteanga a te konitara no runga i te teretereanga, koia oki e 2 no teia mataiti 2009, e kare e teretere akaou i muri ake i teia mataiti 2009 e tae uatu ki te mataiti 2013.

18. Kua ariiia te ripoti a te **Kumiti o te 200 Mataiti (Bicentennial Committee)** e teia au mea i raro nei:

- i. Akakite mate pati tauturu ki teia au taokotaianga e pera katoa tetai uatu tei anoano i te tauturu mai. Teia tetai au akaraanga: World Council of Churches (WCC), World Association for Christian Communication (WACC), Council for World Mission (CWM), Pacific Conference of Churches (PCC), Pacific Theological College (PTC).
- ii. Akakite i teia moemoea ki te Kavamani, ma te pati i tana tauturu.
- iii. Akakite ki te iti tangata e te pa enua no runga i teia moemoea.
- iv. Iki i tetai au kumiti angaanga (working sub-committees) ei akatupu i teia moemoea.

19. Kua ariiia te ripoti a te **Kumiti o te Reo Maori**. Kua ariki te uipaanga maata e kia aere uatu rai te angaanga meitaki a teia kumiti ki mua ei puapinga rai ki te uki o teia ra e pera to apopo.

20. Kua uri te uipaanga maata e 15 au tamanakoanga (**Remits**). Teia i raro nei tei akaotiia:

Remit No.	Manako maata <i>Ekalesia nana te remit</i>	Remit (tamanakoanga)	Akaotianga o te remit (resolution)
1	Tauiangia Orometua <i>Otara</i>	Kia akaokiiia te akanoonooanga o te tauiangia Orometua ki to te tuatau mua, koia oki na Takamoa e akanoo i te porokaramu tauiangia Orometua.	Kua ariiia.
2	Parani tuatau roa (long-term plans) <i>Auckland City, Avarua</i>	Kia angaia tetai parani 5 – 10 mataiti ei ravenga kia kite te au mema Ekalesia i te kaveinga e pera te au angaanga no te au mataiti ki mua.	Kua ariiia. Na te kumiti akaaere e rave i teia no te katoatoa.
3	Tepuka <i>Avarua</i>	Kia akara akaouia te moni goodwill, e te moni tarau i te mataiti (annual rental), kia mama ki runga i te au mema, penei kua maata roa, ko te akaruke mai aea ia tatou te CICC.	Kua oti i te akamaramaia e te Roia Akamarama, laveta Short.
4	Investment (kimi puapinga) i roto i te au Ekalesia	Kia akamaroiroi ia ta tatou au Ekalesia i te invest, (business, moni) kimi ravenga kia mama	Na te au Ekalesia

	<i>Rarotonga Konitara Ekalesia</i>	te apainga a te Ekalesia.	e rave i teia.
5	Au apii e apiia nei e te au Orometua <i>Rarotonga Konitara Ekalesia</i>	Kia akarakara akaou ia te au apii e apii ia nei e te au Orometua. Kia aiteite te apii kia kore e akaekoko i te manako o te Ekalesia.	Na te au Orometua e rave i teia.
6	Tua tapapa o te au Ekalesia <i>Rarotonga Konitara Ekalesia</i>	Kia akamata te au Ekalesia i te koikoi mai to ratou kapuaanga e tetai atu au angaanga ta te Evangelia i rave i te tuatau i tae mai ei te Evangelia.	Kua oti e kua arikiia. Tena tetai akara-anga i roto i te pepa uipaanga no.20, koia te akapapaanga a te Matavera Ekalesia.
7	200 mataiti o te Evangelia ki te Kuki Airani <i>Rarotonga Konitara Ekalesia</i>	Kia akamata e kia arikiia te turuturu pakari e te akanoonoo no te 200 mataiti o te Evangelia, 26 <sup>th</sup> October 2021.	Kua oti e kua arikiia. Akara ki te ripoti numero GA09/17.
8	Rereanga pairere i te Sabati <i>Atiu</i>	Kia kimii mai tetai ravenga e kia tauturuia mai te au Ekalesia i vao ake ia Rarotonga no runga i te rereanga o te pairere i te Sabati.	Kua oti e kua arikiia. Akara ki te tuanga 2 o teia meneti.
9	Tapao (pine) no te au metua pakari <i>Atiu</i>	Kia angaia mai tetai au tapao (pine) no te akangateitei atu i te au metua pakari i roto i ta tatou akonoanga CICC.	Na te kumiti e akara i teia tumu manako.
10	Te au Ekalesia e ngaangaa nei <i>Clayton</i>	Te ngaangaa nei rai te au Ekalesia i Australia nei. Eaa ta tatou ravenga no te akaiti mai i teia tai'i.	<ul style="list-style-type: none"> <li>• Pure</li> <li>• Akakore-anga kai</li> <li>• Akamaata i te pakari no runga i te kimi i te au ravenga me tupu teia.</li> <li>• Terenianga i Takamoa kia akama-tutuia.</li> </ul>
11	Tuatau o te mou taoanga President kia akakotingaia <i>Nikao</i>	Kia akakotingaia te tuatau o te mou taoanga President ki te 2 tuatau (terms).	Kare i arikiia (kua aiteite teia ki te remit 14).
12	Te manako o te ngakau oronga (pledge) <i>Hastings</i>	Kia akakoreia te au tere kimi moni, kia mono tatou ki te oronga anga ngakau tae (pledge), kia rauka ngoie ua te tauturu no tatou katoatoa.	Kua arikiia.
13	Te au apinga puapinga (assets) a te au Ekalesia i vao ake i te Kuki Airani. <i>Hastings</i>	Kia taokotai ia te au apinga, mei te au enua, are pure, hall, kainga Orometua e te au apinga katoatoa o roto i te ngutuare o te au Ekalesia CICC i vao ake i te Kuki Airani kia akamanaia no te taiate (Society) e ko te uipaanga maata te atu, kia aite ki to te au Ekalesia CICC i te Kuki Airani.	Ka akaoki ki roto i te kumiti akaaere.
14	Akakotingaanga tuatau no te aronga mou taoanga mamaata o te CICC <i>Kumiti Akaaere</i>	Kia akakotingaia te tuatau o te aronga mou taoanga mamaata o te CICC (kumiti akaaere e pera te au Directors) ki te 2 tuatau (terms), koia oki 8 mataiti.	Kare i arikiia (kua aiteite teia ki te remit 11).
15	Tiakianga meitaki o te moni a te Ekalesia <i>Kumiti Akaaere</i>	<p>(a) Te au Ekalesia kare a ratou moni akapae (investment account), kia akamata i tetai na ratou.</p> <p>(b) Kia tuku mai te au Ekalesia i ta ratou moni investment (runga ake i te \$10,000) ki te pute maata, kia riro na te kumiti akaaere e tiaki ma te akapuapinga i te reira i raro ake i tetai ture akateretere-anga tau ta te uipaanga maata ka ariki.</p>	<p>(a) Kua arikiia.</p> <p>(b) Kare i arikiia.</p>

**VARAIRE 24**

21. Kua tuatua mai teia au taeake i raro nei no ta ratou au akonoanga i raro ake i to ratou pirianga kia tatou te CICC:

- Bruce Mullan no te Uniting Church of Australia (UCA)
- Utia Manavaikai no te Congregational Union of New Zealand (CUNZ)
- Mitema Tapati no te Maohi Protestant Church of French Polynesia (MPCFP)
- William Cuthers no te Presbyterian Church of Aotearoa New Zealand (PCANZ)
- Dr. Fele Nokise no te Pacific Theological College (PTC) e te Pacific Conference of Churches (PCC)

Kua ariki te uipaanga maata i te au tuatua/ripoti a teia au taeake i runga nei.

22. Kua akaouia te au taoanga akaaere o te CICC e ko teia i raro nei te aronga mou taoanga no nga mataiti 2009–13.

President	Rev. Tangimetua Tangatutui
General Secretary	Nga Mataio (unopposed)
General Treasurer	Oki Teokoitu (unopposed)
Principal, Takamoa Theological College	Rev. Vaka Ngaro
Representative, Rarotonga Konitara Ekalesia	Rev. Tuaine Ngametua
Representative, Committee of ministers	Rev. Ngatokorua Patia
Northern islands representative	Ngari Munokoa
Southern islands representative	Taivero Isamaela (unopposed)
Representative, overseas branches	Willie John
Legal Adviser	Iaveta Short (unopposed)
Director of Publication	Tekura Potoru (unopposed)
Director of Social Welfare	Nga Teao (unopposed)
Director of Evangelism	Ken Ben (unopposed)
Director of Youth	Rangi Henry

23. Kua akaoti atu te uipaanga maata 2009 i te ora 1.40pm na roto i te pure tei raveia mai e te Orometua Tuaine Ngametua o te Avarua CICC. Ka raveia te uipaanga maata 2011 ki Aitutaki, e to te 2013 ki Melbourne, Australia.





E tuanga puapinga e te manea ta te Uniform Organisations e rave ana i te au uipaanga maata katoatoa, koia oki i te akangateianga i te vaerua e te akakoroanga o te uipaanga maata na roto i te apai anga i te tuanga o te guard of honour. Kare oki e i te tuatau ua o te uipaanga maata, i tetai atu katoa ra au akakoroanga mamaata o te Evangelia e to te basileia.

# ANNEX II

## Brief Profiles of the CICC New Office Bearers, 2009 - 13


For the information of the uninformed, the CICC through its assembly, renews its office bearers (Executive Council members and programme directors) every 4 years. There are 10 members on the Council and 4 programme directors. Election is by secret ballot and only delegates from permanent CIC branches can vote. There is no limit on how long an office bearer will serve. A CICC member can be on the Council or become a programme director via 2 ways; be nominated during the assembly, or by applying. Nominations/applications close 2 days before election day. Election is the last agenda item on the last day of the assembly. The information contained in the briefs below are provided by the members themselves.


	<p>Position: PRESIDENT (1999 – 2013; 3½ terms)                  Name: Rev. Tangimetua (Tangi) Tangata Tutai</p>
Current occupation	Full-time church worker as above
Education	Ngatangiaa, Matavera Primary Schools, Tereora College, Teachers Training College, Knox Theological College (NZ), Melbourne College of Divinity (Australia)
Church involvement	Matavera CICC: Life Boys, Boys' Brigade, Sunday School Teacher
Family	Married with 4 children, 4 grand children
Interests	President of CIMAV (Men Against Violence), teaching the word of God, hunting, fishing, keeping healthy
Ambition	To continue to serve the Church


	<p>Position: GENERAL SECRETARY (2005 – 13; 2 terms)                  Name: Ngatokorua (Nga) Mataio</p>
Current occupation	Secretary, Cook Is Ministry of Agriculture
Education	Matavera Primary School, Tereora College University of New England, NSW, Australia (B.Ag.Ec., M.Ec.)
Church involvement	Matavera CICC: Life Boys, Boys' Brigade, Sunday School, Assistant Deacon, Deacon, Rarotonga Konitara Ekalesia Member, PCC Executive Council, 2007 – 12
Family	Married with 2 children
Interests	Hobby farmer, carpentry, plumbing, home improvements, reading, writing
Ambition	To do my best in whatever I do at home and in positions of responsibility (church, work, etc.)





	<p>Position: GENERAL TREASURER (2005 – 13; 2 terms)                  Name: Okirua (Oki) Teokoitu</p>
Current occupation	Trust Officer and Director of HSBCP (Cook Is) Trust Ltd
Education	Mauke Primary School, Tereora College, Auckland Institute of Accountants, Australia Trustee Association
Church involvement	Arorangi CICC: Youth Leader, Assistant Deacon, Deacon, Secretary Deacons' Meeting, Secretary Arorangi CICC, Rarotonga Konitara Ekalesia
Family	Married with 3 children
Interests	Sports, church & community politics
Ambition	To serve in the church business for as long as opportunity prevails; to be GM for the company I work for.


	<p>Position: PRINCIPAL, TAKAMOA THEOLOGICAL COLLEGE                  (2001 – 13; 3 terms)                  Name: Rev. Vakaroto (Vaka) Ngaro</p>
Current occupation	Full-time church worker as above
Education	Takamoa Theological College (Dip. Theology), Fiji Bible College (B.Theology), Evangels Christian University (MA, BCE.)
Church involvement	Missionary Teacher – Marshall Islands, Parish Minister – Matavera CICC, Ngatangia CICC
Family	Married with 5 children
Interests	Family & church welfare
Ambition	To pursue for further development of Takamoa Theological College


	<p>Position: LEGAL ADVISER (2005 – 13; 2 terms)                  Name: Iaveta Short</p>
Current occupation	Company Director (retired)
Education	Ngatangia Primary School, Tereora College, Auckland Grammar/St Stephens College, Auckland University
Church involvement	Adviser on legal matters, member on the Executive Council
Family	Married with 3 children
Interests	Reading, writing, research, astronomy, business development
Ambition	"As for me and my household, we will serve the Lord."


	<p>Position: REPRESENTATIVE, RAROTONGA KONITARA EKALEZIA (2007 – )                  Name: Rev. Tuaine Ngametua</p>
Current occupation	Full-time church minister as above
Education	Mauke Primary School
Church involvement	Served as a pastor in Mitiaro (8yrs), Omoka (Penrhyn, 4yrs), Oiretumu (Mauke, 8yrs), Nikao (4yrs), Arorangi (4yrs), and currently Avarua. Chairman of the Rarotonga Konitara Ekalesia 4 times.
Family	Married with 7 children and 10 grandchildren
Interests	Visiting homes, sports (rugby), fishing, planting, preaching God's word, praying
Ambition	To do the best I can at home, in the church, and in the community.


	<p>Position: REPRESENTATIVE, COMMITTEE OF MINISTERS (2007 – )                  Name: Rev. Ngatokorua Patia</p>
Current occupation	Full-time church worker as above
Education	Mauke Primary School, Atiu Junior High School, Takamoia Theological College
Church involvement	Mema Ekalesia (Avarua CICC), Boys' Brigade (Kimiangatau Ekalesia, Mauke). Served as pastor in Tamarua, Tautu, Oiretumu, Tahiti, Hastings, Otara Central, and currently Titikaveka.
Family	Married with 5 children
Interests	Planting, fishing, sports
Ambition	To keep doing God's work to the best of my ability.

	<p>Position: REPRESENTATIVE, SOUTHERN COOK ISLANDS (2005 – 13, 2 terms)                  Name: Taivero (Tai) Isamaela</p>
Current occupation	Police Superintendent
Education	Police Training, New Zealand & Australia Police Training Institutions. Maritime Commander, Australian Maritime College, NZ & Aust. Defense Forces
Church involvement	Titikaveka CICC: Sunday School Teacher, Deacon, Secretary of the Ekalesia, Rarotonga Konitara Ekalesia
Family	Married with 5 children
Interests	Planting, fishing, meeting people, building my own house
Ambition	To be able to make a change for the better anywhere.


	<p>Position: REPRESENTATIVE, NORTHERN COOK ISLANDS (2009 – ) Name: Ngari Munokoa</p>
Current occupation	Retired public servant (Health Statistician)
Education	Arorangi Primary School, Fiji School of Medicine, health science studies (Sydney)
Church involvement	Member of the Nikao CICC. Former Secretary of the Rarotonga Konitara Ekalesia in the 1970s.
Family	Married with 4 children.
Interests	Farmer, working with machines, electrical equipments
Ambition	To do the best, to satisfy others in the church activities, especially the CICC Assembly.

	<p>Position: REPRESENTATIVE, OVERSEAS BRANCHES Name: Willie John</p>
Current occupation	Manager Operations, Mini South Pacific Games 2009, Rarotonga
Education	Omoka (Penrhyn) Primary School, Tereora College, Survey Drafting Training (Wellington, NZ), B.Sc. (Cartography), Australia
Church involvement	Member of the Nikao CICC. Tauturu Orometua, Nikao CICC. Pu Tapere/chairman – Ekalesia Tapere, Nikao
Family	Married with 4 children.
Interests	To see the growth of Christian communities increase as well as numbers of Christian converts.
Ambition	To become a humble and faithful servant do the Lord's service.

	<p>Position: DIRECTOR OF SOCIAL WELFARE Name: Ms Nga Teao</p>
Position	Director of Social Welfare
Current occupation	Coordinator, Community Development, Ministry of Internal Affairs
Education	Atiu Primary & High Schools, Tereora College, Cook Islands Teachers Training College, North Shore Teachers College (Auckland), Teachers Diploma. SPC/CETC, Suva, Fiji, community development. Women & development certificate, Sydney, Australia
Church involvement	CICC women's fellowship council national programmes (i.e. world day of prayer, Pacific day of prayer), ex-officio in the Rarotonga Konitara Ekalesia, welfare visits, family disputes, prison visits, radio ministries for the CICC, radio link to overseas and outer islands
Family	3 children (1 adopted), living with a supportive partner
Interests	Gardening (pot plants), cooking, home improvements, reading, writing
Ambition	To improve in my areas of weaknesses in the recording & reporting of all activities performed.

	Position: DIRECTOR OF PUBLICATION (2005 – 13; 2 terms) Name: Tekura (Steak) Potoru
Current occupation	Full-time position as above, Takamoa CICC Office Pu Tapere for Takuvaine
Education	Atiu Primary School, Tereora College
Church involvement	Avarua CICC: Sunday School Teacher, youth leader, Deacon
Family	Married with 4 children
Interests	Doing research on church history and other areas of interest
Ambition	To deliver and serve quality service and information for the CICC community

	Position: DIRECTOR OF EVANGELISM Name: Ken Ben
Position	Director of Evangelism
Current occupation	Commissioner to the world mission of Evangelism (full-time church worker)
Education	Titikaveka College, Tereora College, NZ Police College, Fiji Evangelical Bible College, Bachelor in Divinity, Completed MA programme
Church involvement	Deacon, Titikaveka CICC
Family	Married with 2 boys
Interests	Bible study and family activities
Ambition	To serve the Lord faithfully

	Position: DIRECTOR OF YOUTH Name: Ranginui (Rangi) Henry
Current occupation	Farmer musician
Education	New Zealand: Ebbett Park School, Riverside School, Hastings Intermediate, Hastings Boys' High School. Honours in Science, Social Science, English, Geography
Church involvement	Titikaveka Ekalesia: Assistant Deacon, former Assistant Church Secretary, youth leader
Family	Married with 5 children
Interests	Music, preaching, witnessing, sports, youth issues
Ambition	To fulfill God's calling in my life by seeking him and making him known to others.

# ANNEX III

## PROFILES OF DISTINGUISHED CHURCH MEMBERS



Papa Koroarua William Cummings e tona tokorua, Mama Teuira

**AKAPAPA'ANGA TUATUA NO PAPA KOROARUA WILLIAM CUMMINGS***Tataia e Tekura (Steak) Potoru, CICC Director of Publication***AKATOMOANGA**

Kia orana tatou e te au taeake i roto ia Iesu Mesia. Teia te irava akaaravei'anga no tatou; Habakuka 3:19, "Ko te Atu ra ko Iehova, ko toku ia maroiroi, nana e akariro i toku vaevae mei to te aili, e ka aere au iaia na runga i taku au ngai teitei."

**TONA TUPUANGA**

Kua anauia a Papa Koroarua, tei matau'ia i te kapiki e ko Papa Koro, i te rā 12 o Tianuare mataiti 1939, e 70 ireira ona mataiti i teiane. I te mataiti 1960 kua tere atu aia ki te enua ko Nutireni, i reira kua akaipoipo atu aia i tana vaine, Teuira Kamo Vainerere (Mama Tangi or Mrs C). Kua anau ta raua tama mua ko Harris e tamaiti. I te mataiti 1963 kua tere atu raua ko tona tokorua ki te oire Wellington, kua anau te rua i ta raua tama, ko Maryanne e tamaine. I te mataiti 1972 kua angai raua i tetai tamaine ko Moana te ingoa. I teia rā e 3 a raua tamariki e 5 mokopuna.

**TAVINI I ROTO I TE EKALLESIA**

Ko tetai metua tane teia i roto i te akamata'anga o te tupuanga o te Ekalesia Porirua CICC i Wellington i te mataiti 1979. Kua akamata teia Ekalesia ki Titahi Bay i Porirua e mei reira kua neke atu ki te aua apii i Tairangi, Waitangirua, Porirua, e mei reira ki te ngai e akamori nei ratou i teia tuatau, Mungavin Avenue. Kua akatainu'ia aia ei Diakono i te marama Tepetema mataiti 1979. Kua iki'ia aia ei Tekeretere no te Ekalesia no tetai tuatau roa, mei te mataiti 1980 ki te mataiti 2003. No te apikepikē maki kua akangaroi mai aia mei runga i te taoanga Tekeretere. I teia mataiti nei 2009, kua tuku iatu raua ki runga i te taoanga Diakono Mutukore, no te mea kua tau te tuatau no te tuku ia raua ki runga i teia taoanga. E metua turuturu e te piri ki roto i te angaanga a te putuputu'anga Apii Sabati, Mapu, e te Choir. Teia te au Orometua tei noo ki roto i te Ekalesia CICC Porirua mei te tuatau i tupu mai ei teia Ekalesia e tae ua mai ki teia ra:

1979 – 1995	Rev. Turi Karati
1996 – 1999	Rev. Upokotea Unuia
1999 – 2002	Rev. Tatahirangi Williams
2002 – 2007	Rev. Teao Teao
2007 – 2009	Rev. Tereapii Teaurima

**TONA ORAANGA**

Ko Papa Koro tetai metua tane tei roto i te akamata'anga o tetai au taokotai'anga i Wellington e Porirua, mei te Wellington Cook Islands Society, te Porirua Cook Islands Association, te Porirua Cook Islands Cultural Group, te Putuputu'anga Taokotai'anga Avatiu. E mema katoa aia no te Wellington Cook Islands Sports Association, e metua maroiroi i roto i te angaanga tarekareka tipoti, mei te tueporo, tennis, cricket e te vai atura.

E metua maroiroi katoa i te tauturu e te kimi ravenga no te iti tangata i Porirua, te atoro i te aronga maki, ia ratou tei roko'ia te ngutuare e te tumatetenga e pera ratou tei peke ki roto i te rima o te ture e tetai uatu angaanga tei tau kia tauturu ia. Ko tona ngutuare e tuera ua ana te reira mei tona nooanga ki Wellington e tae ua mai ki teia rā.

**POPANI**

Tena i reira e te au taeake te akapapa'anga tuatua o te metua tane Papa Koro. Te karanga nei te irava, Philipi 4:13, "E tika iaku te au mea ravarai nei i te Mesia, ko tei akamaroiroi mai iaku nei."

# ANNEX IV

## TE TUPUANGA O TE ÈVANGELIA I ROTO I TE OIRE O IVIRUA, MANGAIA

### *Te totouanga o te èvangelia te ka tae mai*

I mua ake ka tae mai ei te èvangelia i runga i te ènua ko Auaù, ua totoù ana to matou tupuna i te pō kerekere, tei karangaia to na ingoa e, o PANGEIVI. O PANGEIVI nei, e taunga aia no te kopu o TANE me kore, ngati TANE e noo ana aia i roto i te puna IVIRUA i te ngai tanu mamio, o ta ratou manga kai teia, o te



Uipaanga Konitara Ekalesia Mangaia, Ivirua, 2008

oire katoa te reira i te tuatau mua o te ngai tanu manga. E noo ana PANGEIVI i runga i te marae o TAUMATINI, nana e akamorimori ana i te pià atua o TANE, e 14 atua itoro. I runga i teia marae, to na totoùanga i te pō kerekere, teia tana tara: « *te kōkō nei au to vai niata ei unu na to atua e TANE, te aere mai ra, tei te aka i te rangi a te kaokao rauaika ua* ». O teia tara ta na e tara nei i te kaokao rauaika, mai teia te tu, me pari koe i te pū koka ananai ua tupu mai te kao, te tara nei aia i te taì apinga ka tupu mai a te taì rā. Ua irinaki matou e, o te tae anga mai te èvangelia i runga i to matou ènua nā roto i te totoù a to matou tupuna koia o PANGEIVI, no te mea, koia te taunga no te kopu o TANE i roto i teia oire i te reira tuatau.

### *Te aere anga i te pure i ONEROA e tae ua atu i te tuatau i rauka mai ei te èvangelia*

Ia tae mai te èvangelia i runga i te ènua, tei kore i arikiia i te taime mua, i te rua o te tae anga i arikiia ai, ua akanoo ua te manako i te tuatau i aere ei i te pure i ONEROA e tae ua atu i te mataiti i rauka mai ei te èvangelia. Ko te aere anga i te pure i ONEROA, teia e tu me aere te tangata i te pure, ka ta te oē, teia te tara a te tangata ta oē: « *tutuki te pūpū, tutuki te pūpū, ka ai te karakia, ka ai te karakia* ». Te aite anga i teia tara *tukituki te pūpū* koia òki, te akakite nei to tatou ui tupuna i te mana riri nui o te Atua i te vāvāi anga i te mana poiri o te ètene mei te àmara e vāvāi i te pūpū koia te ariri karikao mangeongo e te vai atu ra, o te *karakia* koia òki, ka aere i te pure.

Ka tuoro katoa te tangata ta oē: « *ropiropi te kanakana, ka aere tatou i te karakia, to tatou atua e takoto atu* ». Ko te *kanakana* e taraia nei, koia te au apinga katoatoa tauu ka àpai ei tiaki toou oraanga mei metua e tae ua atu i te tamariki. Teia taua au apinga nei, e mamio, paka (pota), tiromi, manga ika, parai moe, parai akamanea.

Ka akaruke ratou i to ratou oire i te à o te rā no te aere i te pure, mana à ua òki mai. Ia ratou e aere nei i te pure i te reira tuatau, te vai ra te taì taime e topa na te ua, te matangi, ua tomo katoa ratou i roto i teia tumatetenga. Te vai ra te taì manamanata kino ta ratou i araveianga, koia òki te kake anga i te puku maunga i tuo papa, ka vai ua rai teia i roto i to ratou vaa i te nā ko anga e: « *ua roi i te kake i te puku o tuo papa* » mei te reira tuatau to ratou aere anga i te pure i ONEROA e tae ua atu i te mataiti 1842.

Ia tae rā i te taì popongi varaire, ua aere atu ratou i te pure, na te òrometua papaa te pure, ia oti ta na akoanga, ua tiri mai aia i te pure na to tatou metua diakono koia o ARIKIKAKA, teia ta na pure: « *ta tamaunu parau ta tavita, taria i karanganui, ia vai tata ua, ua roi i te kake i te puku o tuo papa, amene* ». Ia oti te pure i taua rā ra, ua raveia te uipaanga diakono i muri ake, no te mea ua kite òrometua papaa e, aiteanga te taì i te pure a te metua diakono ARIKIKAKA.



Te imenemene nei te anau apii Sabati a te Orometua Ihorai Ben i roto i te Ekalesia Ivirua, ia ratou e teateamamao ra no ta ratou teretere apii Sabati i te mataiti i topa 2008.

Ia uiia rā te aiteanga o ta na pure, teia ta na i paū atu, ua inagaro vau i te èvangelia ia âpaiia i roto i na ivi e rua, o te tumu teia o te èvangelia i tae mai ei i IVIRUA nei, nā roto i te pure a to tatou metua diakono ARIKIKAKA.

***Te aereanga mai o te èvangelia i IVIRUA nei***

Kua âpaiia mai te èvangelia i IVIRUA nei i raro ake i te aratakianga a na kavana e rua, TEMATA kavana no te puna IVIRUA e o PAE kavana no te puna KARANGA. Kua âpaiia mai te èvangelia mei ONEROA i TIKURA i roto i te tapere i te ngai tanuanga manga.

- 1- O TIKURA te àre pure mua i IVIRUA nei, UAMIRO te àre òrometua, KATUKE te òrometua no ATIU.
- 2- Te rua o te àre pure i IVIRUA nei, o TUAPANGO, te AUTUTAI te àre òrometua, KATUKE te òrometua no ATIU.
- 3- O KURAKITE te toru o te àre pure, o KURAKITE katoa te àre òrometua, KATUKE te òrometua no ATIU.
- 4- Te AUTUTAI te â o te àre pure, te AUTUTAI te àre òrometua, KATUKE te òrometua no ATIU.

E 14 mataiti to te èvangelia nooanga i uta i te ènua, no teia tu to te èvangelia are aia e noo meitaki, ua manako ARAKAUVAE ka âpai aia i te èvangelia i te taì ngai meitaki ia kore aia e oriori akaou, ia noo meitaki rā. O AREPAPAKA te 5 o te àre pure i IVIRUA nei, AREPAPAKA te àre òrometua, KATUKE te òrometua no ATIU. Teia te aiteanga o te ingoa AREPAPAKA, koia òki te àre o te papaka tei roto i te puta koatu, te ngai ngaueue kore. Mei te reira tuatau e tae mai i teia rā, are ake rai te àre pure o IVIRUA nei i tauì akaou, ua karangaia teia oire ko **te oire o te èvangelia**.

*Tātāia e: N. Namu. Maaiti. Aramoana. Revareva  
Rev. IHORAI Ben  
IVIRUA- ÀREPĀPAKA Peperuare 2009*



*Ko te Orometua teia o te Ekalesia Ivirua, Rev. Ihorai Ben, no Tahiti mai, e akaari nei i te akairo o te au (sign of peace). Koia tei mono atu i te Orometua Toko Ongoua tei tuku iatu ki Tahiti i te mataiti i topa i raro ake i te koreromotu pirianga (partnership arrangement) o nga akonoanga e rua; te CICC e te Maohi Protestant Church o Tahiti.*



# ANNEX V

## APPLICATION FOR TAKAMOA THEOLOGICAL COLLEGE

*Note: this form is being sent for the last time before applications close at the end of next month June. Those interested, send filled-in form directly to the Principal of the college.*

-----  
**APPLICATION FORM**  
(Please print neatly & clearly)

1. Family name:.....First name:.....
2. Mailing Address/Permanent Address:
3. Date of Birth:.....Age:.....Birthplace:.....
4. Occupation:.....
5. Have you accepted Christ as your personal Lord and Saviour?.....
6. If you say YES, For how long?.....
7. Name of your church:.....
8. List the responsibilities/positions/roles that you hold in your church and the number of years that you have served:  
.....  
.....  
.....
9. Educational Background:  
 Primary school:.....No. of years:.....  
 Secondary School:.....No. of years:.....  
 University/Institute:.....No. of years:.....
10. Marital status:  
 Married:.....Date:.....No. of children:.....  
 Ages of children.....  
 Divorced:.....Date:.....Remarried:.....Date:.....

11. Have you ever been involved in the following? Also state last date of use or Participation or are you still practicing it?

Drinking:.....

Smoking:.....

Drugs:.....

Gambling:.....

12. Health status: (Obtain a full report of your health status from a Physician).

Good:.....Fair:.....Poor:.....

13. What are your main sports and hobbies?

.....

14. How do you plan to meet your expenses at TTC:

.....

15. Referee: Please list the names of two adults Christians as references other Than you relatives: One of them must be your Pastor.

Name:..... Name:.....

Address:..... Address:.....

Phone:..... Phone:.....

16. PLEASE NOTE to send the following to Takamoa Theological College.

- a. Academic transcript, school certificates, diploma, degree & other equivalents. This includes your spouses report).
- b. Two passport sized photos of yourself and your spouse.
- c. Medical report from your Physician.
- d. On a separate paper, at least three of more pages, write down your personal testimony under the following headings:
  - i. Your conversion and current relationship with the Lord.
  - ii. Contacts that led you to apply to Takamoa Theological College.
  - iii. Your motivation in attending the Theological College.
  - iv. Your family history.
  - v. Your church life.

NOTE: All these information will be confidential.

e. Submit the following:

- i. \$800.00 (Entrance Fee)
- ii. \$200.00 (Textbook Fee)

17. If accepted, with the help of the Lord, I will uphold the standards of the

College with regards to the morals, duress and Christian conduct. I will abide by the rules, regulations and disciplines of the College and will cheerfully obey those over me in the Lord.

18. I hereby apply for the enrolment as a student of the Takamoa Theological College.

Signature:..... Date:.....

Send completed forms to:      The Principal  
Takamoa Theological College  
P.O. Box 93  
Rarotonga  
Cook Islands



Takamoa Lecture Hall, built 1839. The building now being renovated as the new CICC head office for administration, is located on the right hand side of the above building. This lecture hall will also be renovated as part of a staged improvement of the campus.


# ANNEX VI

## HISTORY IN PICTURES



The late Rev. Turaki Teauariki and wife, served in PNG and was once President of the CICC (from "History of Rarotonga up to 1853", by Taira Rere, 1981, p.64). Rev. Teauariki was the last Takamoa-trained minister posted to PNG since the exchange programme commenced in the mid 1800s. The final resting place of the minister and his wife is in the church yard of the Kimiangatau Ekalesia, Mauke (his home village and island), Cook Islands.  
*(a more comprehensive coverage of Rev. Teauariki will feature in a future issue of this newsletter)*

### MATAVERA CICC – UIPAANGA DIAKONO 1964



*The names read:* (L-R) Back row Mata Tipoki TD, George Taraare Snr, Tangata Simiona, Teariki Tuavera (Secretary), Teruaroa Tamarua, Honu Ben  
2<sup>nd</sup> row Taramai Tetonga, Rev. Teariki Vaerua, Jimmy Teuruaa, Iotua Iotua, Ben Maio  
Sitting Teavae Tuna (Tauturu Orometua), Take Ua Tamarua  
Inset: Mataio Aperau Snr  
*Note: original photo provided by Honu Ben of the Matavera CICC*

# ANNEX VII

## SHARE YOUR PHOTOS

This is an open space for anyone wanting to share his/her/their photos – preferably church-related. Send/email to the Editor directly for inclusion in future issues. All photos on this page are from the recent CICC general assembly.



**Responsibilities for this newsletter / tei angaanga ki runga i teia nuti leta:**

- ◆ Typing/layout/editing/emailing - Nga Mataio
- ◆ Proof reading - Marianna Mataio
- ◆ Printing & postage - Tekura Potoru
- ◆ Contributors (articles/photos) - Tekura Potoru, Tapita Potoru, John Akavi,  
Rev. Ihorai Ben, Rev. Tereapii Matakere, Honu Ben

Comments on the format and presentation are most welcome; please send them to the Editor. The CICC Newsletter is published whenever there is sufficient amount of material to warrant publication. On average, the newsletter has been published at 2 months interval since September 2005.

Published by: The Cook Islands Christian Church  
P.O. Box 93, Rarotonga  
Head Office Phone: 26546 Fax: 26540 Email: [adminpub@oyster.net.ck](mailto:adminpub@oyster.net.ck)

Enquiries: Editor (*Nga Mataio*)  
Phone: 23900 (hm), 28711 (work)  
Email: [ngam@oyster.net.ck](mailto:ngam@oyster.net.ck) (home), [mataio@agriculture.gov.ck](mailto:mataio@agriculture.gov.ck) (work)

Administration Officer (*Nga Mitiau-Manavaikai*)  
Phone: 26546

Director of Publication (*Tekura Potoru*)  
Phone/fax: 26540

*Note: any of the articles/photos in this newsletter may be quoted/reproduced with appropriate acknowledgement. There is, however, no point and certainly no advantage in altering or amending any of the contents to suit one's own purposes.*